

Radunonza communalala dils 20-08-2020

Preziadas convischinas, preziai convischins

La suprastonza communalala envida tuttas convischinas e tuts convischins alla proxima radunonza communalala che ha liug **gievgia, ils 20-08-2020 allas 20.15 uras en halla da gimnastica a Breil-vitg.**

La suprastonza ha decidiu in obligatori da mascras per quella radunonza communalala. Senza mascra dat ei negin access tier la radunonza. Mintgin ei sez responsabels per la mascra. All'entrada dalla radunonza sto mintgin registrar cun num, prenum e nr. da telefonin.

Sin fundament dalla decisiun dil cussegl da vischnaunca dils 24 da zercladur 2020, pertuccond la revisiun dil feagl da tarifas (aia e deflussiun) han convischinas e convischins inoltrau in referendum encunter quella decisiun. En quella revisiun ha il cussegl da vischnaunca decidiu ina reducziun dallas taxas. Ils iniziants dil referendum pretenden denton, da buca approbar quella revisiun, quei che munta che las taxas restan sco tochen dacheu e vegnan buca reduzidas. Tenor costituziun ei la suprastonza obligada da presentar quella fatschenta enteifer 40 dis dapi la publicaziun a caschun dad ina radunonza communalala.

La suprastonza fa attents, ch'il referendum inoltrau pertucca sulettamein la decisiun dil cussegl da vischnaunca dils 24-06-2020 da adattar las tarifas d'aia e deflussiun.

Tractandas:

1. Beinvegni ed approvaziun dil protocol dils 29 da november 2019
2. Decisiun: referendum encunter decisiun cussegl da vischnaunca
3. Varia

Il protocol dalla davosa radunonza communalala ei exponius sin canzlia communalala. Ultra da quei eis ei era pusseivel da leger tal sin nossa pagina da casa www.breil.ch.

Astgein nus supplicar nossas preziadas convischinas e nos preziai convischins da resarvar quella sera per nossa radunonza communalala.

Suprastonza communalala Breil

Il president: Clau Schlosser

Igl actuar : Curdin Cadonau